

Transkription von Urkunde MGD 1450a

Ort, Datierung: Magdeburg, 1450-08-24

Signatur: Stadtarchiv Zerbst, II, 53

Inhalt: Hans Ghereke: Erbstreitigkeit

Minen willigen dinst touor(e)n Ersamen liuen her(e)n also ik von myner moder weg(e)n / by iuwe ersamheit gewesen bin Alze v(m)me Geregke vresen iuwen medeburg(e)r(e) von / der Rade weg(e)n de von sinem wyfe an myne moder vorstorven sind , des vns iuwe / erbarcheit beful dat we vnderenander vorsuken schulden aff we vns in fruntschaft / vordraghen mochten des hebbe we vorsucht vnd konden vns konden vns¹ daru(m)me nicht / geeynen , Hiru(m)me bidde ik noch mit vlite dat gij on dar thu vormog(e)n dat he vns / noch in fruntschap vor de Rade vor² iuk genuch don wille , dat we daru(m)me nicht mit om / recht(e)n bedorven , Thum ersten alze v(m)me eyne paternoster von korallen , v(m)me eyne(n) / borden von syden mit eyne(m) budel vnd mit eynem meste mit suluer(e) beslaghe(n) v(m)me / eyne(n) hoiken mit eyne(m) suder von xvj guld(en) , vnd eyne(n) Rok von vij gulden , eyne(n) / widen roden rock vnd eyne(n) grunen , v(m)me kindelbeddech gerede , twe banckpolen . / iiij rode pusten . , vj bedde, iiij houetpolen , vnd xiiij par laken , dischlaken³ vnd / hant twelen , vnd suluerwerk von alle oren rocken , v(m)me oren floer vnd beste / doke , vnd ander kleynod vnde geryde dat thu ge Rade gebort , were auer dat / des nicht geschege so bidde ik iuk dat gy² vns des recht(e)n gu(n)nen willen des wil ik / g(er)ne vordenen , vnd bidde v(m)me iuwe antw(er)t , Geschr(euen) vnd(er) myne(n) Jng(esegel) an sente / Bartholmeus dage . /

Hand Ghereke / burg(er) to meideborch /

¹ “konden vns” durchgestrichen

² eingefügt

³ i mit zwei Punkten